

S sai' laischer simsktausnt de schualer ont de studentn va de inser provinz as riven de schual

S schualjor ist schoa' garift!



Ultima campanella per i quasi 70.000 studenti trentini delle scuole primarie e secondarie di primo e di secondo grado. Nel dettaglio, dei 69.308 studenti iscritti, 25.290 hanno frequentato la scuola primaria, 16.767 la scuola secondaria di primo grado, 21.593 la scuola secondaria di secondo grado e 5.658 l'istruzione e formazione professionale. Oggi per tutti, ad eccezione degli studenti che affronteranno gli esami, termina l'anno scolastico 2022/2023.

Hait, ver de insert schualer ont studentn ist der leist to van schualjor 2022/2023: simsktausnt sturidentn toalt en draitaustn klassn. Vinvaontzba'sktausnt sai' de selln as gea' en de earsteschual, simzentaustn de mittlschual, oa'nontzboasktausnt de hoaschual ont laischer seckshundert de orbetschual.

Ver drai mu'net barn se piacher ont hefte obeleing meing ont sai' a bea'ne v'rai va de schual. Pet en summer barn

sa umadum gea' pet de kamarötn, vöngen u' za örbetn, gea' kan meir oder anau as de pèrng ont tea' an schouber öndra dinger as se meing nèt tea' bail en jor.

Ober hait ist der leist to va schual ver de zboa'draisk schualer va de schual va Vlarotz aa. A jor va v'rait, örbetn ölla zömm, learnen naia dinger, probiarn ont böcksn. Sim schualer barn gea' ka Persn en de mittlschual ont an önders jor barn aribarn öcht naia schualer van kindergötrn en de eartste klasse ont zboa' öndra schualer ont asou en schualjor 2023/2024 barn sa sai en 35.

Abia öll jor, haier aa de learenen hom verörbetet ver de schualer projekt en bersntolerisch. Der earste ist gaben der sell um en tema va de boll as se hom en garift en herbest van 2022 pet de austell van örbetn van kinder. Schubet derno hom sa u'pöfn an nain projet asn tema van alfabet van bölt as höt enteressiat ölla de klassn va de schual. De hom untersuachen gamöcht, skede, letrattn. De hom studiart s lem van bölt, de hom pakemmp auskennlait van Muse as sai' kemmen za learnen en. Ont veleist, an iatn schualer höt zömmgaleik de gönze örbet van jor en a runt scehea's puach pet en kopert va holz.

Ont hait, meing sa river s schualjor v'roa ont stolz va de örbet as de hom gamöcht tursh en. En de schualer, en de studentn, en de learer ont en ölla de selln as örbetn um en de schual, tea' ber bintschn ber an guatn summer!

LORENZA GROFF

KURSN VA TAITSCH PET EN BERSNTOLER KULTURINSTITUT

Nell'ambito del progetto "Conoscenza del tedesco", il Bersntoler Kulturinstitut, con il sostegno finanziario della Regione Autonoma Trentino-Alto Adige Südtirol, ha pubblicato il bando per la frequenza di corsi residenziali di tedesco in Sudtirolo, Austria e Germania e corsi di tedesco online per l'anno 2023.

Abia öll jor s Kulturinstitutu trok envire der projekt ver za learnen s taitsch. S sai' vil jarder as der doi projekt enviretrong kimm pet de jungen as hom en toalganommen sai' an schouber gaben. S a schea'na meglechket za gea' za learnen eppes nais ont an öndra sproch.

Der zuazol kimm ausgem ver za gem en de jungen de meglechket za kennnen pesser s taitsch pet an kurs oder an projekt va schual-örbet.

S toalnemm ist lai ver de jungen as lem en tol oder as hom de familia (eltern onder none) as sai' en tol plim ver almen vin jor. S institut mu zoln de kostn as kemmen spendiart van kandidat ver en kurs. Sechber de kostn as kemmen zuazol: de selln ver za schraim se inn, s zimmer, de zeitler va de roas ont van essn.

S Institut zolt s hundert procent van sell as se hom spendiart ober der kandidat mias semm stea'almen s 70 procent van stunden van kurs.

Der zuazol kimm ausgem vour en schantönderer 2023,



derno as kemmen ogem de dokumentn ont der diplom va de schual.

Der kandidat mu toalnennen en kursn online aa ont en doi völl, muas men se innschraim en Kulturinstitut vour de 30 van prochet. Der bando ver za nemmen toal mu pfrok kemmen en Bersntoler Kulturinstitut oder aroganomen va internet va de sait www.bersntol.it.

LORENZA GROFF

Provinzalrot: trèff ver de sprochminderhaitn

Arkif Dinst sprochminderhaitn PAT




Si è tenuta a Trento la prima seduta straordinaria del Consiglio provinciale dedicata ai diritti delle minoranze linguistiche. Approvata all'unanimità la proposta di mozione 594 che impegna la Giunta a una contrattazione in vista di un adeguamento dell'indennità di bilinguismo e all'istituzione di un tavolo sulla certificazione di conoscenza della lingua di minoranza da parte dei ragazzi al termine di un percorso scolastico.

dokument klöfft men van versicher va de lokal sproch ver de jungen as learnen sa za schual. Dora klöfft men van sell as barn kriang de u'stelltn as hom der versicher va de sproch.

Der trèff ist runt bichte gaben ver de insertn gamoa'schöft. Bail en trèff hom klöfft an schouber konsiliar va vil temen as kearn um en sell van sprochminderhaitn.

De vourstell van puach «Le miniere del distretto di Pergine. Il Parco Miniere Lagorai»



Hait, um vinva nomitto en de bibliotek va Persn kimm vourstell en de lait s puach "Le miniere del distretto di Pergine. Il Parco Miniere Lagorai" edito dal Comune di Pergine Valsugana" gamöcht pet de untestitz va de Tolgamoas'chöft Hoa Valzegu' ont Bersntol. S puach höt schoa' toalganommen en en MontagnaLibri 2023, as ist de sezion van piacher van Trento Filmfestival ont en Salone internazionale del libro di Torino Der tèckst leik zömm de resultatn van untersuach as ist kemen enviretrong en de leistn jarder iber en distretto van gruam va Persn. En trèff va morgn barn toalnennen Morgan Betti as ist aseser en de kultur va de Gamo' va Persn, Andrea Fontanati, president va de tolgamoas'chöft, Franco Moar, referent van komitat va de tolgamoas'chöft, Ivan Pintarelli, koordinator van gruam van Lagorai, Lara Casagrande, viareren va de v'raischöft Ecomuseo Argentario APS, Katia Lenzi, arkelogen, Marco Stenico unterusuacher.

Iar sait ölla inngalònt en trèff.

Oa'negea' lem-örbet en Euregio: vourstellt s dritte stuck van untersuach EWCS



S sai' vourstell kemmen en Poazn de resultatn va de untersuach van "European Working Conditions Surveys", um en tema van oa'negea' lem-örbet en de drai lender van Euregio Tirol-Sudtirolo-Trentin. De untersuach sok as s 85 procent van örbeter van Euregio ist zavri'n pet en sai' tritt va oa'negea' zbischn prvalem ont örbet. S heacheste zeil ist en Tirol, pet en 87 procent van lait as hom an positiv omport gem hom, derno der Trentin de 85 procent ont der Sudtirolo de 84 procent. S hom ömport gem en de untersuach 4.500 lait. De datn as sai' arauskemmen van untersuach löng sechen as ver an ettlena örbetn, iberhaupt de autonome, höt s probleme en oa'negea' lem-örbet: de selln as hom mearer probleme sai' der der transport/magazinari, haiser/birthaiser ont löntschöft. Zbischn de autonome örbeter ist der 81% as ist v'roa keing en 86% van u'stelltn örbeter. De lait as örbetn en finanzsektor ont en de öllgamoömtn enveze, sai' de selln as stea' pesser (88-89 procent). De gönze untersuach ist en internet aa as de sait <https://www.agenziaialavoro.tn.it>. Ver za bissn eppes mear mu msen schraim en de viareren van Studiumomt van Mörkpolitik va de örbet Isabella Speziali (isabella.speziali@provincia.tn.it) oder en Corrado Rattin (corrado.rattin@provincia.tn.it). An öndra untersuach Euregio EWCS bart bider vourstell en de lait as de 20 van ölderhaileng, iber en tema van örbetklima.

LORENZA GROFF